



講事

係細个時節，戴陂塘窩个珍叔公時常會來屋下尋阿公講事，係佢尋母著阿公，佢就會問係：「阿公有在屋下無？係愛摻佢講事！」

有成時，阿爸會去街路尋阿姑講事，佢出門个時節會先交代係：「你在屋下愛好好讀書喔！係愛去街路摻阿姑講下事，一下就會轉來。」

係從細就知，大人有隻出門个理由安到「講事」，有時節係乜會跔等爺哀去人屋下講事，做細人該下，係總係試著大人當輒會摻人講事，戴就近个親戚朋友時常會見面，大家當熟絡。

屋下安電話以後，大人出門講事就少咧，普通个事情，就用打電話摻人講，愛等有堵著較重要个事情，正會訂工去尋人講事。用電話聯絡當方便，毋過親戚朋友就少忒見面个機會，人變到較生疏！雖然打電話唔著人，最少屋下个電話摻舊型个手機還係做得聽著人講事，等到智慧型手機大出，就全全變忒咧！

照理講，雙方用智慧型手機做得唔等對方講事，大家會較輒聯絡正著，仰會變到毋使講事呢？用慣智慧型手機个人大體知，愛重要个事情正有打電話講事，平常時，大家就用手指畫「賴(line)」定定，連嘴就罕得停動，還講麼个事！這下，大家就算見面，有先打下嘴鼓，等過無兩下，手指還係溜轉自家个手機面頂畫上畫下、賴去賴轉，仰有講著麼个事？在餐廳常透做得唔著全屋下人共下食飯傍手機，一儕一支，頭低低，畫畫畫，全家人恬索索，無半儕講事。難怪會有人講，年三十暗晡食夜，大家愛記得先摻手機收起來，係無，世大人就難望細子來摻你講事囉！

今年，新冠病毒大流行，大家驚到嘴揞塞塞，毋敢摻人企忒兼、也毋敢儘採摻人講事，就怕毋堵好會分人遭著病。公司、機關毋敢集合人開會，變到用網路來進行會議，大家一頭對等鏡頭講事，一頭在電腦唔等對方，聽人講事，講事儕對等機器、聽事儕也對等機器，人從愛出門摻人面對面講事，進步到毋使出門也做得摻世界各地个人用電腦來講事。好得有這兜通訊科技，摻人連起來，無在這病毒流行个期間，人正經就難摻人講事咧！

現代摻人交流个方式緊來緊多，做得傳字、傳相片、傳影片、傳貼圖，無定著愛講事，但係，對係自家來講，係還係較慣勢摻人面對面講事。

作者：林伯殷

☆詞彙學習☆

- | | |
|---|-------------------------------------|
| 【講事】gong` sii`：說話，有時會用「講話(gong` fa`/gong` voi`)」。 | 【大體】tai` ti`：大概。 |
| 【有成時】rhiu` shang shi：有時候。 | 【罕得】han` ded`：難得。 |
| 【就近】ciu` kiun`：在附近。 | 【畫上畫下】vag` shong` vag` ha`：指手指划來划去。 |
| 【熟絡】shug log：熟悉。 | 【傍】bong`：配食。 |
| 【訂工】dang` gung`：特地。 | 【慣勢】guan` she`：習慣於某事。 |